

المحامي المبتدئ 6

تحتوي على:

- صيغة طلب إعلام وراثية.
- شرح إعلام الوراثة وفائدته والفرق بينه وبين تقسيم التركة.
- كيفية عمل إعلام الوراثة خطوة بخطوة.
- الأوراق المطلوبة والإجراءات داخل محكمة الأسرة.
- صيغة إعلان وراثية.
- شرح إعلان الوراثة وطريقة كتابته الصحيحة.
- إجراءات تقديم إعلان الوراثة وملاحظات مهمة لتفادي التأجيل.

إعداد

إبراهيم الباز النجار

طلب إعلام وراثة

السيد المستشار/ رئيس محكمة (اسم المحكمة) لشؤون الأسرة

بعد تقديم وافر التحية والاحترام؛

مقدم الطلب :السيد/ (اسم الطالب)

المقيم : (عنوان الطالب بالكامل)

الموضوع

إنه في يوم الموافق/...../..... توفي إلى رحمة الله تعالى

المرحوم/ وترك ورثة شرعيين وهم:

1 (اسم الزوجة)..... زوجة أرملة

2 (اسم الابن)..... ابن بالغ

3 (اسم البنت)..... بنت بالغة

ولما كان المتوفى لم يترك سوى من ذكر، وليس له أي فرع آخر وارث سوى هؤلاء، ولا مستحق للوصية الواجبة.

لذلك

ألتمس من سيادتكم، بعد الاطلاع على هذا الطلب، ولما كان يهم الطالب وهو ابن المتوفى، التمس تحديد أقرب جلسة لضبط مادة الوراثة وإثبات الورثة الشرعيين للمرحوم/ المتوفى بتاريخ...../...../..... ولسيادتكم وافر التحية والتقدير.

مقدم الطلب

(توقيع الطالب)



دونها في كشكولك



علشان نقدر نكتب **إعلام الوراثة**، لازم الأول نفهم
بشكل سريع يعني إيه **إعلام الوراثة**.

الملف رقم 92
بتاريخ 2026/1/18

في البداية، هفهمك الأول من خلال **قصة بسيطة**:

(الحقوق محفوظة لـ: ebrahim_elbaz1@ (الصفحة الأصلية للمحتوى).

القصة:

نفترض إن في شخص اسمه **أحمد**، متزوج من **سارة**،
وعنده بنت اسمها **ملك** وولد اسمه **آدم**.
لما **أحمد توفى**، ابنه **آدم** راح يقدم **طلب لإصدار إعلام وراثة لوالده**.
المحكمة بعد ما **بتراجع** المستندات **وتتحقق** من الوفاة والقرابة،
بتصدر الإعلام اللي بيكون **نصه تقريبًا كده**:
"تحقق لدينا نحن رئيس المحكمة، وفاة المرحوم أحمد بتاريخ كذا،
وانحصار إرثه الشرعي في زوجته **سارة**، وتستحق ثمن التركة،
وأولاده **آدم** و**ملك**، على أن يكون للذكر مثل حظ الأنثيين".

وهنا ينتهي دور إعلام الوراثة:

(الحقوق محفوظة لـ: ebrahim_elbaz1@ (الصفحة الأصلية للمحتوى).

يعني هو مش بيوضح التركة **كانت إيه**، لا بيقول كان **عنده**
شقة ولا **رصيد في البنك**،
لكن مهمته الأساسية إنه يحدد **مين اللي ليه حق الميراث**
شرعًا وقانونًا، ونصيب كل واحد فيهم.



دونها في كشكولك



طيب يعني إيه إعلام وراثه؟ وهل هو يقسم التركة؟

إعلام الوراثة ببساطة هو قرار يصدر من **محكمة الأسرة**، يثبت إن **شخص معين توفي**، ويوضح مين **الورثة الشرعيين** بتوعه، وكل واحد فيهم ليه نصيب قد إيه من التركة.

يعني تقدر تقول عليه **إثبات رسمي للورثة**، مش **تقسيم فعلي** للممتلكات. بمعنى أدق، إعلام الوراثة **مش يقسم التركة** ولا يقول التركة كانت عبارة عن إيه أو قيمتها كام،

(الحقوق محفوظة لـ: @ebrahim_elbaz1 (الصفحة الأصلية للمحتوى)).

هو بس بيحدد:

مين **اللي ليه الحق** في الميراث، ونصيب كل واحد فيهم شرعاً وقانوناً. يعني **الإعلام** ممكن يقول إن الزوجة ليها **الثلث**، وإن الأولاد **للذكر** مثل حظ **الأنثيين**، لكن **التقسيم الفعلي** للتركة بييجي في **مرحلة ثانية** بعد كده.

إيه فائدة إعلام الوراثة وليه لازم نعمله بعد الوفاة؟

فائدة **إعلام الوراثة** إنه الورقة **الرسمية الوحيدة** اللي بتثبت قدام أي جهة إن دول هم **الورثة الشرعيين فعلاً**، وإن لكل واحد فيهم نصيب **محدد** في التركة، ومفيش حد يقدر يتصرف في أي حاجة تخص **المتوفى** من غيره.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

مثال عملي:

لو أحمد كان عنده **حساب في البنك**، وبعد ما توفي ابنه **آدم** حب يعرف نصيبه أو يسحب فلوس، البنك **مش هيصرف** جنيه واحد **لأي حد**، لا **لآدم** ولا لوالدته **سارة** ولا لأخته **ملك**.



دونها في كشكولك



غير لما يشوف إعلام وراثه يثبت:

مين الورثة الشرعيين، ونصيب كل واحد فيهم.
وساعتها البنك **بيقسم** الرصيد حسب اللي **مكتوب** في الإعلام، يعني لو
الرصيد **80 ألف جنيه**: الزوجة **سارة** ليها **الثلث (10 آلاف)**،
والباقي **بيتقسم** بين الولد والبنت، والذكر ياخذ **ضعف** الأنثى.

ومثال تاني:

لو **أحمد** كان **مالك** شقة، والورثة **عايزين يبيعوها**، المشتري علشان
يضمن إنه **بيتعامل** مع **الورثة الشرعيين**، لازم يشوف **إعلام وراثه** يثبت
إن اللي قدامه دول هم **الورثة فعلاً**، ومحدث **هيطلع ينازعه** بعد كده.

الخلاصة:

إعلام الوراثة هو اللي **بيفتحك أي إجراء قانوني** بعد الوفاة، سواء بنك،
بيع ممتلكات، أو أي تصرف في التركة، ومن غيره كل الجهات
بترفض التعامل تمامًا.

(الحقوق محفوظة لـ: ebrahim_elbaz1@ (الصفحة الأصلية للمحتوى).

إزاي تعمل إعلام وراثه بنفسك؟

أول حاجة لازم تعرفها هي **المحكمة المختصة**، وده ببساطة بيكون محكمة
الأسرة التابعة **لآخر عنوان** مكتوب في الرقم القومي للمتوفى، يعني
بنشوف **آخر محل إقامة للمتوفى** ونروح محكمة الأسرة اللي المكان ده تابع ليها.

خلينا نكمل على نفس مثالنا :

(الحقوق محفوظة لـ: ebrahim_elbaz1@ (الصفحة الأصلية للمحتوى).

أحمد توفى، وابنه آدم **عايز يعمل** إعلام الوراثة الخاص بوالده، فبيروح
محكمة الأسرة اللي تابعة **للعنوان المكتوب** في بطاقة والده أحمد.



دونها في كشكولك



الأوراق المطلوبة لاستخراج إعلام الوراثة:

أول حاجة، أحد الورثة الشرعيين هو **اللي بيقدّم الطلب** لرئيس محكمة الأسرة، وبيكتب فيه بيانات أساسية زي **اسم المتوفى**، **وتاريخ الوفاة**، **وأسماء الورثة الشرعيين**، **والنموذج ده إن شاء الله هتلاقوه موجود في الملف**.

ولو حضرتك **المحامي** اللي هيتولى الإجراءات بدل **الوريث**، لازم يكون معاك **توكيل من أحد الورثة الشرعيين**.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

بعد كده:

بترفق شهادة الوفاة الأصلية مش صورة، وطبعًا **الشهادة الأصلية** بتستردها **بعد استخراج إعلام الوراثة**.

كمان بتجهز صورة من البطاقة الشخصية لمقدم الطلب، سواء كان الوارث نفسه أو المحامي، ولو **محامي** يبقى لازم ترفق **صورة من التوكيل** مع باقي المستندات.

وفي النهاية:

بتتخط كل الأوراق دي في حافظة مستندات وتتقدم للمحكمة بشكل منظم وواضح، وده ببساطة على الموظف مراجعتها ويمشي الإجراءات من **غير تعطيل**.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

الخطوات بعد تقديم طلب إعلام الوراثة:

بعد ما تكتب الطلب وتجمع كل المستندات المطلوبة، تحطهم في **حافظة مستندات** وتسلمها في المحكمة، **بعد كده** تروح للموظف المختص علشان يسجل لك **الرسوم المطلوبة**، وتدفعها في الخزنة، وترجع له **بالإيصال**. الخطوة دي ضرورية علشان تبدأ الإجراءات رسميًا، الموظف **بيراجع الأوراق** ويتأكد إنها كاملة، وبعدين يدخل البيانات على **الكمبيوتر** ويحدد لك **ميعاد الجلسة** والدائرة اللي الإعلام هيتنظر فيها، بعد تحديد الجلسة، بيتم إجراء **إعلان الوراثة**، وده مهم جدًا. يعني بعد ما آدم قدم الطلب وأخذ ميعاد الجلسة، لازم يُعلن باقي الورثة **بميعاد الجلسة رسميًا**، وده بيضمن إن الكل على علم وما يحصلش أي **تأخير أو مشاكل بسبب غيابهم عن الإعلام**.

إبراهيم الباز النجار

عرف نفسك، سواء باسمك أو درجة القيد أو
عنوان المكتب أو البريد الإلكتروني، وهكذا.



بسم الله الرحمن الرحيم
وَمَنْ يَتَوَكَّلْ عَلَى اللَّهِ فَهُوَ حَسْبُهُ
صدق الله العظيم

طلب إعلان وراثه

إنه في يوم الموافق ... / ... / ... الساعة
بناءً على طلب السيد /

المقيم /

أنا محضر محكمة قد انتقلت وأعلنت :-

1- السيد /

المقيم /

مخاطباً مع /

2- السيد /

المقيم /

مخاطباً مع /

وأعلنتهم بالآتي:

بموجب الطلب رقم (.....) لسنة (.....) وراثات محكمة الأسرة بـ (اسم المحكمة)،

المقدم من الطالب، حيث توفي المرحوم / (اسم المتوفى كاملاً) بتاريخ (.../.../...) ،

وانحصر إرثه الشرعي في الطالب والمعلن إليهم.

ولما كان يهم الطالب تحديد مادة الوراثة وإثبات أنصبتهم الشرعية،

فقد تحدد لنظر الطلب جلسة (...): الموافق (.../.../...).

بناءً عليه

أنا المحضر سالف الذكر قد انتقلت في التاريخ أعلاه وأعلنت المعلن إليهم بصورة من هذا

الإعلان، وكلفتهم بالحضور أمام محكمة الأسرة (الدائرة/المكان)، وذلك بجلستها المنعقدة

علناً في تمام الساعة الثامنة صباحاً وما بعدها من يوم (...): الموافق (.../.../...) ، وذلك

للمرافعة وسماع الحكم بضبط مادة الوراثة.

ولأجل العلم،

الموضوع

إعلان
في مادة
الوراثات

رقم

سنة

وراثات

بناءً على
طلب الطالب
وتحت
مسؤوليته



دونها في كشكولك



في البداية متخلطش بين إعلام الوراثة وإعلان الوراثة:

(الحقوق محفوظة لـ: @ebrahim_elbaz1 (الصفحة الأصلية للمحتوى)).

إعلام الوراثة:

هو الوثيقة الرسمية اللي بتصدرها المحكمة وبتثبت مين الوراثة الشرعيين ونصيب كل واحد فيهم، وده اللي شرحناه قبل كده أما،

إعلان الوراثة:

إجراء قانوني بسيط بييجي بعد ما تقدم طلب إعلام الوراثة وتحصل على ميعاد الجلسة، ووظيفته إنك تبلغ باقي الوراثة رسمياً بميعاد الجلسة علشان يكونوا عارفين ويقدرُوا يحضروا.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

خلينا نكمل بنفس المثال اللي اشتغلنا عليه قبل كده:

فيه شخص اسمه أحمد توفى، وكان متزوج من سارة، وعنده ولد اسمه آدم وبنت اسمها ملك. بعد الوفاة، بدأ آدم الإجراءات، جمع كل المستندات، كتب الطلب، جهز الحافظة، وقدمها في المحكمة، وأخذ ميعاد الجلسة. في المرحلة دي لازم يقوم بخطوة مهمة جداً، وهي إعلان باقي الوراثة اللي هما والدته سارة وأخته ملك بميعاد الجلسة، علشان الكل يكون على علم وماحدث يقول بعد كده أنا ماعرفتش أو ماحدث بلغني.

كيفية كتابة إعلان الوراثة:

إعلان الوراثة بيتكون ببساطة من 3 أجزاء:

المقدمة – الموضوع – التكليف وهتلاقوا الصيغة في الملف.



دونها في كشكولك



الجزء الأول: الموضوع

(الحقوق محفوظة لـ: @ebrahim_elbaz1 (الصفحة الأصلية للمحتوى)).

إنه في يوم الموافق .../.../... الساعة

(هنا بتسيب النقط دي فاضية، لأن المُحضر هو اللي بيكتب التاريخ والساعة بنفسه).

بناءً على طلب السيد/ المقيم/ هنا

بتكتب اسم الشخص اللي قدم طلب إعلام الوراثة.

وفي مثالنا مثلاً: آدم هو اللي قدم الطلب، فبتكتب:

بناءً على طلب السيد/ آدم أحمد المقيم/ (العنوان الكامل).

أنا محضر محكمة قد انتقلت وأعلنت:

(الجزء ده كمان بتسيبه فاضي، لأن المُحضر هو اللي بيمليه بنفسه).

(الحقوق محفوظة لـ: @ebrahim_elbaz1 (الصفحة الأصلية للمحتوى)).

أسماء الوراثة اللي هيتم الإعلان ليهم:

في الجزء ده بتبدأ تكتب أسماء الوراثة الشرعيين اللي لازم يتم إعلانهم بميعاد

الجلسة، وبتكتبهم كده:

السيدة/ سارة أحمد – أرملة المتوفى، المقيمة/ (عنوانها).

مخاطباً مع/

السيدة/ ملك أحمد – بنت بالغة، المقيمة/ (عنوانها).

مخاطباً مع/

ولو كلهم ساكنين في نفس المكان، ممكن تختصر وتكتب:

والجميع مقيمون في / (العنوان).



دونها في كشكولك



الجزء الثاني: الموضوع

هنا بتبدأ تدخل في **صلب الإعلان**، وبتوضح سبب الإعلان والطلب نفسه.

(الحقوق محفوظة لـ: ebrahim_elbaz1@ (الصفحة الأصلية للمحتوى).

بتكتب:

بموجب الطلب رقم (...) لسنة (...) وراثات محكمة الأسرة بـ (...)،
المقدم من الطالب، حيث توفي المرحوم أحمد بتاريخ (.../.../...)،
وانحصر إرثه الشرعي في الطالب والمعلن إليهم، ولما كان يهم الطالب
تحديد مادة الوراثة وإثبات أنصبتهم الشرعية، فقد تحدد لنظر الطلب
جلسة (...) الموافق (.../.../...).

يعني باختصار، هنا بتكتب نفس البيانات اللي كانت في طلب إعلام الوراثة،
زي اسم المتوفى، وتاريخ الوفاة، وأسماء الورثة، وميعاد الجلسة.

التكليف

ده **الجزء الأخير** في إعلان الوراثة، وبتوضح فيه إن المحضر **قام فعلاً**
بإعلان الوراثة، وسلمهم صورة من الإعلان علشان يعرفوا **ميعاد الجلسة**
ويحضروا قدام المحكمة لسماع الحكم في مادة الوراثة.

(الحقوق محفوظة لـ: ebrahim_elbaz1@ (الصفحة الأصلية للمحتوى).

بتكتب:

بناءً عليه:

أنا المحضر سالف الذكر قد انتقلت في التاريخ أعلاه وأعلنت المعلن إليهم
بصورة من هذا الإعلان، وكلفتهم بالحضور أمام محكمة الأسرة (الدائرة...)،
وذلك بجلستها المنعقدة علناً في تمام الساعة الثامنة صباحاً وما بعدها من يوم
(...) الموافق (.../.../...)، وذلك للمرافعة وسماع الحكم بضبط مادة الوراثة.
ولأجل العلم.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

بتقدم إعلان الوراثة فين وإمتى؟

إعلان الوراثة بتقدمه في **قسم المحضرين** داخل المحكمة، وبعد ما تسلمه لهم **بتستنى** لحد ما المحضرين **يعلنوا الوراثة رسمياً**، وبعدين بتروح تستلمه **قبل ميعاد الجلسة** علشان تقدمه في المحكمة.

وهنا خلي بالك من نقطة مهمة جداً علشان ما تضيعش وقتك:

لما **آدم** أخذ ميعاد الجلسة، راح على طول وقدم طلب **إعلان الوراثة**، وده خلى الإجراءات **تمشي بسرعة**، وإعلام الوراثة خلص من **أول جلسة** من غير تأجيل. يعني النصيحة هنا إنك **ما تستناش لما الجلسة تتأجل** علشان تعمل الإعلان، **حضره من بدري**، ولما تعرف ميعاد الجلسة، اكتب تاريخه في الإعلان وقدمه **فوراً للمحضرين**، وبكده **تقدر تستلمه قبل أول جلسة** وتخلص موضوعك في **جلسة واحدة**.

يوم الجلسة بتكون معاك **نسخة الإعلان** بعد ما استلمتها من المحضرين، وبيكون الوراثة **مُعلنين رسمياً**، فمش محتاج حضورهم بنفسهم، وتدخل الجلسة **ومعاك الإعلان واثنين شهود** يشهدوا إن دول الوراثة الشرعيين، وساعتها القاضي بيصدر الإعلام من **أول جلسة**.

(الحقوق محفوظة لـ): ebrahim_elbaz1@ (الصفحة الأصلية للمحتوى).

بمعنى إنك بعد ما تقدم **طلب إعلام الوراثة** وتأخذ ميعاد الجلسة، **تنقل البيانات** دي في **إعلان الوراثة** وتقدمه بسرعة في قسم المحضرين. بعد كده **تروح تستلم الإعلان** قبل الجلسة، وتيجي **أول جلسة** ومعاك الإعلان **ومعاك اثنين شهود** يشهدوا إن دول فعلاً الوراثة الشرعيين ومفيش غيرهم، وساعتها الموضوع بيخلص من **أول جلسة** من غير أي تأجيل.



دونها في كشكولك



(الحقوق محفوظة لـ: ebrahim_elbaz1@ (الصفحة الأصلية للمحتوى).

نقطة في غاية الأهمية:

خلي بالك كويس جدًا إن اللي بيقدم طلب إعلام الوراثة لازم يكتب كل الورثة الشرعيين بدون استثناء، يعني ماينفحش مثلاً آدم يكتب اسم والدته وينسى أو يعتمد ما يكتبش اسم أخته، لأن ده يُعتبر تزويرًا في محرر رسمي ودي جريمة يعاقب عليها القانون.

وكمّان، لو الشهود شهدوا إن مفيش ورثة غير اللي اتكتبوا وهما عارفين إن فيه غيرهم، ساعتها دي بتتحول لجريمة شهادة زور. فأوعى تعملها أو حتى تفكر تعملها، لأن المسألة مش بسيطة ولا مجاملة دي مسئولية قانونية ممكن تسبب مشاكل كبيرة جدًا.

وبكده نكون انتهينا

من الملف السادس من سلسلة «المحامي المبتدئ»، واللي اتكلمنا فيه عن إعلام الوراثة كإجراء قانوني مهم هتقابله كتير في بداية شغلك، وشرحنا يعني إيه إعلام وراثة، إمتى نحتاجه، وإزاي يتعمل خطوة خطوة بشكل عملي وواضح. سلسلة «المحامي المبتدئ» كلها معمولة علشان تنقلك تدريجيًا من مرحلة الفهم الإداري، لمرحلة الصياغة، وبعدها مرحلة التعامل مع الإجراءات الواقعية اللي بتمس الناس بشكل مباشر، وإعلام الوراثة واحد من أهم الأمثلة على ده.

وفي النهاية

هذا العمل بُذل فيه جهد كبير، وهو متاح بالكامل مجانًا لوجه الله تعالى فلا تنسوني من دعائكم.

وبس كده،

كان معكم/ إبراهيم الباز النجار،
من منصة "دونها في كشكولك"،
والسلام عليكم ورحمة الله وبركاته.

للحصول على جميع الشروحات والملفات القانونية انضم إلى قناة التليجرام وباقي منصاتنا.

https://tiktok.com/@ebrahim_elbaz1 : 🎵

<https://t.me/ebrahimelbaz12> : 📧

Ebrahim Elbaz Elnagar

دونها في كشكولك

